

吳文節公遺集

吳文節公遺集卷三十四目錄

奏議

修補軍械摺

修補軍械請免題估片

請辦堅壁清野片

審擬永昌滋事回匪摺

吳文節公遺集卷三十四

男養原謹編

奏議

修補軍械摺

奏爲滇省歷次出師損失軍械動缺火藥鉛丸等項設法分年修造補額以實軍儲恭摺

奏祈

聖鑒事竊查雲南省道光二十六七八等年因永昌雲緬彌渡保山等處漢回及哨匪等滋事案內分調各營弁兵勦辦所有各兵攜帶軍械損失不少火藥鉛丸

亦多動缺閱今或七八年或四五年均急須籌補足額以實軍備而資備預

臣

檢查案卷

臣

程矞采前於兼署

總督任內卽經咨部請將留存歷年朋馬餘剩銀兩及

各年公費餘銀動用修製經部

臣

以此項補造軍械火

藥等項應歸入雲南本省捐輸項下支銷不准動用朋
馬暨公費餘銀等因嗣經

臣

程矞采於總督任內查明

雲南捐輸一項共銀五十六萬七千餘兩業已撥還歷
次軍需借動鹽課溢課等銀並找發各屬墊辦鹽糧及
添移營汎工程共撥放銀四十萬兩零又奉部指撥抵
作兵餉銅本銀十六萬七千兩是捐輸一項實已動用

無存仍請將留存朋馬公費餘銀動放爲修製軍械火
藥鉛丸之用又經部臣以此項留存朋馬公費餘銀係
應行報撥之項未便先行留款支發飭卽造入季冊報
部撥用等因經臣於咸豐元年秋撥冊內遵照部示將
留存節年朋馬餘銀四萬五千餘兩公費餘剩銀一萬
一千餘兩一併造入撥冊報部撥用在案而溯查前此
各營所造應修應製軍械藥鉛各冊尙止係二十五六
兩年永昌兩次調兵案內應補之數已估報銀至五萬
九千餘兩節經前督臣林則徐程矞采駁令大加刪減
上年臣到任後據藩司轉據各營遵刪造冊詳請核辦

到臣查所佔銀數仍有五萬一千餘兩而續後雲緬

彌渡保山各案應補軍械尙不在內倘再分案併計勢
非十餘萬兩不可顯係仍多浮冒當經臣嚴行駁候不

刪臣因思道光二十五六兩年永昌案內各營應補軍

械固遲延已久卽續後雲緬彌渡保山等案內應補軍

械亦未便再延又經通飭各鎮協營不論何案內損失

之械何案內用缺之火藥鉛丸統歸一冊按各該標營

額設之數將某械損壞若干應修某械遺失若干應造

火藥鉛丸用缺若干應製逐一據實開造草冊送核去

後茲據各標營將草冊陸續呈送前來臣檢取各標營

歷年保

題細冊親加確核嚴定准駁刪除浮冒按照例價通盤
合算大共約需銀四萬三千餘兩可以造補足額伏查
此項軍儲要件關係匪輕若再不趕緊籌辦萬一遇有
征調有兵無械必至措手不及惟經費有常庫款未裕
既無閒款可籌卽每年朋馬餘銀不下一萬餘兩亦應
照例報部聽撥未便留作此項修械之用止有各營公
費一欵歲撥既有定額餘剩亦屬無多本係爲各營公
事之用卽以之籌辦各營補額軍械事理亦順每年除
將各營有定款者照舊支給外其餘年支修補軍械之

項概行停給歲可節省銀七八千兩儘數修造此項補額軍械藥鉛計五年餘即可一律照額補全如蒙
俞允臣卽將咸豐元年公費餘銀及咸豐二年公費應
餘銀兩先行提取辦理以免再事宕延據藩司徐有壬
詳請具

奏前來

臣謹會同雲南巡撫

臣張亮基恭摺具

奏伏乞

皇上聖鑒訓示謹

奏咸豐二年四月十九日奏奉

硃批另有旨欽此

修補軍械請免題佔片

再此項修造補額軍械火藥鉛丸若照例由營分案造冊送司由司彙冊詳臣由臣分案

題佔俟部覆准後動款分給各營領回自辦不獨徒滋案牘展轉耽延一案動須經年一營必分數案工程逾形稽緩且各營必藉口於藩司衙門書辦暨臣衙門書辦並部中書辦層層紙筆之費均須出自領項之中非虛報工竣得半輒止卽尅減工料濫惡充數於軍儲核實之道殊難防範臣再四思維此次應補各營軍械案本紛繁時已延誤現在又無整督動款自應設法變通

辦理擬由臣通核營分大小所損缺之器械藥鉛多寡

權其輕重緩急分別定以首修次修再次修按營縷分

挨年遞辦一年中不必各營齊舉一營中不必各項齊

修且不必交與各營領銀自辦統由臣在省修造臣署

西偏有箭道空屋數間足可集匠興工委員監視臣仍

臨時親自督察庶工程可期核實而

帑項不至虛糜惟工既分年而不分案於逐案

題估之例勢多窒礙相應請

旨免其造冊

題估以歸簡易至每年工竣後卽由

臣衙門隨同按年

奏銷公費之案另造一冊以營爲綱臚載所修所造名目件數按照例價

奏銷一次如此則事旣簡而易明工亦實而無冒矣理合附片奏

聞伏乞

聖鑒訓示謹

奏咸豐二年四月十九日奏奉

硃批另有旨欽此

請辦堅壁清野片

再臣等溯查嘉慶年間川楚教匪滋事案內嘉慶二年

經臣明亮

臣德

榜泰奏請堅壁清野築堡禦賊其時議

者因恐費繁滋擾罷未舉行嗣於嘉慶六年經臣額勒

登保復舉前說奏請施行卒以此收效將賊匪蕩平臣

等查現在粵西情事頗與相類謹將臣明亮等原奏疏

稿抄呈

御覽可否請

旨飭下廣西撫臣飭屬實力舉行惟此事必須府州縣

得有賢員方能收效倘有司不得其人無實實愛民之心與百姓聯爲一體或任令差保藉端滋擾則無益而有損也或奉行故事出幾張告示曉諭百姓以一紙空

稟塘塞上司則亦有名而無實也法爲至善事在人爲臣等謹附片奏

聞伏乞

聖鑒採擇施行謹

奏咸豐二年四月二十一日奏奉

硃批另有旨欽此

審擬永昌滋事回匪摺

奏爲遵

旨審明滋事回匪分別定擬將情重各犯恭請

王命先行正法仰祈

聖鑒事竊照道光二十六年間永昌滋事案內在逃匪馬順儀潛回原籍在大理府城清真寺內惑眾不法經迤西道王發越督同府縣商同提臣榮玉材派委營

員帶領弁兵差練馳往兜捕被該匪等戕斃都司和鑑並兵丁楊芳達一名另傷兵丁七人負固抗拒自行放火焚燒寺屋一案前經該道府督率員弁將首夥馬順儀王帽泰馬玉堂楊芳林等四名格傷擒獲並獲楊奉翥一犯格斃五犯餘犯悉數焚壓致斃地方並未滋擾等情訊供稟報到臣因案情重大飭令將犯提省督司嚴行審辦並會同前撫臣張亮基將大概情形奏奉

硃批知道了現獲各犯嚴訊定擬地方搜捕餘匪情形
續行奏聞以慰屢懷欽此當卽欽遵恭錄轉行去後嗣
據該道將該犯馬順儀等解省委員雲南府知府胡文
柏審明旋據委員驗報該犯馬順儀帶傷進監身故飭
令歸案議擬等情由藩司徐有壬會同兼署臬司史致
蕃覆審招解前來臣率同司道親提研鞫緣馬順儀等
均係太和縣回民馬順儀係已被焚斃之馬依麼胞弟
餘俱同姓不宗道光二十六年二月間有前經勦辦之
黃巴巴糾眾往永昌滋鬧馬順儀聽糾前往隨同焚掠
村寨拒敵官兵殺斃練勇一命逃往夷寨躲避咸豐元

年十二月二十九日因事冷潛回原籍聞知伊兄在府城西門內清真寺掌教該處地較荒僻附近俱係回民居住卽前往寺內同居因見現被焚斃之已革武舉楊騰雲已革把總楊長壽失官怨望馬順儀遂起意捏稱數年以來在夷方學得拳棒技藝並會符咒可避_火燄破_火燄令楊騰雲等並馬依麻惑眾糾人冀圖向漢民報復乘機搶據滋事楊騰雲等當卽允從並因楊騰雲幼女阿玉曾經讀書識字麤解文義隨卽商號稱仙姑能預知人休咎同居寺內煽惑人心其時附居左近現獲之王帽泰馬玉堂楊芳林楊奉翥格斃之楊奉鳴楊奉鼇

馬萬金馬阿馨馬恩保焚壓致斃之馬阿從馬吉高楊
奉詳楊阿保馬阿詳馬阿五朱九趙林楊芳清馬觀保
姚老大馬老五黃小八二十二人陸續聽糾羣聚寺內
或跟隨馬順儀學習拳棒或拜阿玉爲師復公歛錢文
供給馬順儀食用馬順儀欲俟眾人技藝精熟再向告
知滋事緣由令其分赴各處煽惑聚眾二年正月初九
日卽經地方文武訪聞稟知道府會商提臣委員緝拏
楊芳林得信卽往向馬順儀密告馬順儀起意抗拒將
實情向眾人告知囑令幫同抵禦楊奉翥黃小八畏懼
不從當欲逃避馬順儀嚇稱如敢不從卽行殺害楊奉

翥等無奈在寺後空園藏躲馬順儀與楊騰雲等一齊持械擁出適遇都司和鑑帶兵十餘名首先入寺楊騰雲乘其不備迎面用刀狠砍和鑑左額角倒地馬順儀楊長壽亦各用矛戳傷其胸膛左腿項頸身死各兵上前救護刀矛並舉格殺馬阿罄馬恩保二犯馬順儀復戳斃兵丁楊芳達一命砍傷一人楊奉詳等亦傷兵丁六人各兵將和鑑屍身搶擡出寺維時後起弁兵及府縣差練亦均趕到寺前馬順儀卽令眾人將寺門關閉用木石抵住兵役練勇四面圍攻並上屋入寺馬順儀料難拒守起意商允眾人放火希圖乘機逃逸隨將寺

屋點燃數處並將圍墻穿透一穴王峒泰等持械擁護
馬順儀由墻穴逃走卽經委員督令兵役將馬順儀等
四名格傷擒獲並格斃馬萬金楊奉鳴楊奉鰲三犯楊
奉翥曾見亦由該處隨同逸出致被拏獲一面將牆屋
推拉倒地救熄火燄其在寺未經逃出各犯暨楊騰雲
幼女阿玉悉被焚壓致斃並無一名漏網飭令現獲各
犯指認各屍僅楊騰雲等九具尙可辨驗餘俱被焚殘
毀面目已不可識當卽戮取首級懸竿曉示此馬順儀
滋事在逃潛回原籍惑眾不法被拏抗拒戕害營員兵
丁之原委也訊據各現犯厯厯供吐不諱臣以馬順儀

旣經斂錢惑眾復敢逞兇拒捕殺傷官兵誠恐所糾黨羽不止此數至楊奉翥一犯據道府縣原稟係與王幘泰等擁護馬順儀同逃今稱爲隨同逃走並無擁護拒捕情事亦難憑信復嚴加刑訊據王幘泰等供稱馬順儀係上年十二月底始行潛回爲日無多實止糾獲二十餘人別無夥黨至楊奉翥實係隨同逸出並未擁護拒捕如有前項情事伊等已身犯重罪何肯代人隱瞞徒受熬審反復究詰矢口不移案無遁飾應卽擬結查律載凡謀叛但共謀者不分首從皆斬若犯罪負固不服拒敵官兵者以謀叛已行論又例載游手好閑不務

本業之流自號教師演弄拳棒教人射利惑民隨同學
習者杖一百徒三年各等語此案馬順儀前在永昌聽
糾滋事抗拒官兵殺斃練勇卽應照謀叛律擬斬加梟
今^詹賈^賈潛竄回籍惑眾斂錢迨經官兵往捕猶復負固
拒敵戕害都司大員殺傷兵丁多人實屬兇頑已極自
應按律從重問擬馬順儀應請比照犯罪負固不服拒
敵官兵者以謀叛已行論謀叛不分首從皆斬律上從
重加擬凌遲處死業已監斃仍剉屍梟示王幘泰等聽
糾滋事復聽從抗拒官兵實屬同惡共濟亦應按律問
擬王幘泰馬玉堂楊芳林均請比照謀叛但其謀者不

分首從旨斬律俱擬斬立決從重加以梟示該犯等情罪重大未便稍稽顯戮

臣於審明後將該犯等恭請

王命先行正法飭委兼署臬司史致蕃署督標中軍副將福陞將各犯鄉赴市曹監視處斬傳首犯事地方懸竿示眾以昭炯戒案係比照辦理家屬應免緣坐財產亦免入官楊奉翥聽從馬順儀學習拳棒並公歛錢文幫給食用殊屬不法雖訊未帮同拒敵亦未便僅照隨同學習拳棒之例擬徒致滋輕縱楊奉翥應請於游手好閑不務本業之流自號教師演弄拳棒教人射利惑民隨同學習者杖一百徒三年例上酌加一等擬杖一

百流二千里定地發配折責安置事犯到官雖在咸豐
二年四月初三日欽奉

恩詔以前惟情節較重應請不准援減仍照例刺字楊
騰雲等聽糾滋事復聽從抗拒官兵情罪俱重業經格
斬或焚壓致死復經戮取首級懸竿示眾請免再議馬
順儀帶病進監身故禁醫人等訊無凌虐及誤用方藥
情事亦毋庸議監斬職名併免查叅此案首從各犯業
經悉數殲擒焚壓致斃並無餘匪地方早經安謐至前
次永昌滋事案內尙有在逃逸犯仍飭各屬留心訪查
偵捕以絕根株再該犯馬順儀甫經逃回滋事卽經訪

聞飭拏嗣該匪等戕害都司亦卽將首夥悉數殲擒焚
壓致斃辦理尙屬迅速所有疎防及失察文武各員邀
請從寬免其處分至署大理城守營都司和鑑捕賊捐
軀情殊可憫合無仰懇

天恩照陣亡例議卹傷亡兵丁照例卹賞除備錄供冊
咨部外所有審明懲辦緣由臣謹恭摺具

奏伏乞

皇上聖鑒勅部核覆施行再雲南巡撫係臣兼署毋庸
會銜合併陳明謹

奏咸豐二年七月初九日奏奉

硃批刑部議奏欽此

吳文節公遺集卷三十五目錄

奏議

遵保將才摺

請撥兵餉銅本摺

添鑪加鑄片

密擬灣甸滋事匪徒摺

吳文節公遺集卷三十五

男養原謹編

奏議

遵保將才摺

奏爲遵

旨覆奏仰祈

聖鑒事竊臣接准部咨欽奉

上諭現在湖南軍務未竣賊蹤竄擾靡定各路帶兵攻
剿需材孔亟因思滿漢各營中豈乏材技出眾足備干
城之選者或因官職較卑限於資格無由及時自效殊

爲可惜著各該將軍都統督撫等留心簡練隨時考察
自鎮將以下無論官職大小有謀勇兼裕或材力堪任
折衝禦侮者卽行據實保奏候朕簡用其鄰近湖南省
分如保奏之員可資軍營差遣卽奏明請旨飭令該員
前赴軍營聽候欽差大臣等酌量委用該將軍等其慎
加遴選毋濫毋遺用副朕整軍經武之至意欽此竊查
臣所轄滇黔兩省營員自鎮將以逮末弁不下八百餘
員名必求其志矢公忠胸羅韜略可以獨當一面膺大
將之寄而無慙者實亦未能遽得而材技出眾堪任折
衝禦侮者尙不乏人除前此出師粵西各員臣未能深

悉外就現在出師楚南各員弁而論鎮將中如雲南鶴
鹿鎮總兵音德布機警敏練能審敵情委以一隊可責
成效偏裨中如雲南龍陵營叅將韋中魁會歷戎行樸
直勇往無巧滑習氣普洱鎮營游擊陳得功才警膽潑
訓練有方與士卒能同甘共苦貴州提標右營游擊紀
冠軍勇氣勃發凌厲無前不至有退縮之習末弁中如
雲南提標千總沙德章普洱鎮營千總謝周綺提標把
總朱瑞山景蒙營額外楊正雄督標效用武舉李振綱
皆曾歷戎行奮勇當先久戰不怯者督標把總施嘉瑞
馮繼武皆能挽十二力之弓用以步射十中八九其材

技亦有可取者以上各員弁均演黔各營中之上選現
已效力軍前者也其存營各將弁中雲南如昭通鎮營
游擊巴揚阿才氣勇幹結實可靠開化鎮左營都司安
如嵩精明勇往辦事實心右營都司巴哈布有膽有識
事不避難普洱鎮營守備王萬祥逐捕盜賊強幹精能
永北營守備陳鶴齡遇事奮勇騰越鎮營千總賀朝嵩
奮發有爲順雲協營千總趙純明練勇敢貴州如平遠
協副將周鳳岐年逾六旬勇氣不衰畢赤營游擊圖塔
納勇幹精勤馭兵嚴整古州鎮營都司王臻祐家世將
門才具勇練以上各員亦皆足供驅策堪備軍前之用

者臣伏思全才難得自古爲然器使在人因材可篤磨厲之則中才亦奮弛縱之則銳氣潛銷是又在統師者之號令嚴明賞罰公允而已查滇黔兩省精銳之選現已多半前赴軍營其存營可以備用者臣現亦開單飛咨欽差大臣暨湖南撫臣查照如有需用之處卽飛檄指調前往以資差遣所有遵

旨遴選將才緣由臣謹會同雲南撫臣吳振棫貴州撫臣蔣霨遠恭摺據實覆

奏並另繕清單敬呈
御覽伏乞

皇上聖鑒訓示謹

奏咸豐三年十月二十三日奏奉

硃批另有旨欽此

請撥兵餉銅本摺

奏爲滇省兵餉銅本待用孔殷請

旨飭部迅速籌撥以濟急需恭摺

奏祈

聖鑒事竊查滇省癸丑年春季兵餉前奉部撥浙江省
咸豐二年地丁銀二十萬兩又滇省癸丑年銅本該銀
八十一萬七千餘兩前奉部撥浙江省咸豐元年地丁

銀五十萬兩江西省地丁銀三十一萬七千餘兩共銀一百一萬七千餘兩均係滇省本年待支之欵除浙江應解兵餉二十萬兩內劃扣臣吳文鎔上年捐佐江蘇賑需銀六千兩前撫臣張亮基捐賑銀三千兩已交滇藩庫抵用外尙應解銀十九萬一千兩江西省應解銅本銀三十一萬七千餘兩內除前已解到銀五萬兩外尙應解銀二十六萬七千餘兩前准浙江撫臣咨會所有應解滇省癸丑年銅本銀五十萬兩因不敷支銷已咨部請改撥銀二十四萬兩又准江西撫臣咨稱應解滇省癸丑年銅本二十五萬兩已兩次

奏明截留爲防堵經費之用不能解滇合計浙江江西兩省不復解滇之欵已有四十九萬兩均未奉准部咨如何改撥至浙江未請改撥之銅本二十六萬兩及癸丑春季兵餉十九萬一千兩又因道路梗塞未起解者停解已起解者折回業經接准浙江省咨會此二欵共計銀四十五萬餘兩未定何時方能解到又本年夏秋冬三季兵餉上年咨部冬撥案內聲請撥銀四十七萬餘兩現尙未奉部覆未知指撥何省其何時能解何時可到更屬虛懸難定而滇省支發之欵均係迫不及待如癸丑春季兵餉各營例係上年臘月關支已由司庫那

墊支發而協餉未到原欵難歸轉瞬三月各營卽須開領夏季兵餉並有寫遠營分夏秋並關者已屬無欵可墊數萬兵丁取給無資所關非細卽各銅廠工本運腳亦係百數十萬丁夫之所仰食驟然停止該丁夫等人多不逞飢而爲匪尤恐別滋事端臣等與藩司徐有壬

每相晤商莫名其妙灼當此經費支絀之時先其所急自

以勦賊大營軍餉爲重各省均非充裕部臣籌畫實難

臣等具有天良豈竟不知緩急惟雲南地處極邊關繫

綦要向來本資鄰省協濟目前實有窘迫情形若不通

盤籌計請

旨遵行倘致事有貽誤獲咎更深

臣等與藩司再四熟

商先就本省所有之項儘數提出以濟急需其不敷之

項候部籌撥擬請將藩庫收存士民捐輸銀二萬四千

八百餘兩

臣

等現在捐輸銀四萬七千兩又庫存捐監

正項銀九千餘兩又存籌邊備儲銀七千兩又存封貯

急需銀七百餘兩糧道庫收存雲南府倉昆明縣倉奉

部糶變穀價銀六萬五千兩又收存各屬未經買補倉

穀價銀四千餘兩又收存清查案內各屬攤補缺穀價

銀八千餘兩以上八款合共銀十六萬五千五百餘兩

留爲動放夏季兵餉及酌給緊要大廠銅本之用此外

不敷之項尙鉅應請

旨敕部於浙江前請改撥銅本銀二十四萬兩江西奏明截留銅本銀二十五萬兩一併迅速籌撥鄰近省分寶款趕緊解滇用資接濟其癸丑年滇省夏秋冬三季兵餉部臣自己撥定並請

旨敕部指催迅解以敷本年支發至浙江省前咨暫緩起解之兵餉銅本銀四十餘萬兩現聞湖南道路已通可以繞道行走臣等已飛咨浙江撫臣趕卽委員改道起解惟水陸綿遠約非夏末秋初不能陸續到此而統計滇省本年應需兵餉銅本銀約共一百四十餘萬兩

現止收到銀五萬九千兩待支者既難姑緩協撥者未
克應期藩庫周轉不及勢將脫空貽誤據司道等會詳
請

奏前來臣等謹繕摺恭

奏伏乞

皇上聖鑒訓示再雲南鹽道庫收有咸豐二年鹽課銀
二十六萬餘兩均已隨時解赴藩庫塋放本年春季兵
餉及各廠工本運腳急需必待各省本年協餉解到方
能歸還原欵列入奏銷候撥現在並無存項合併陳明
謹

奏咸豐三年二月十六日奏奉

硃批戶部議奏欽此

添鑄加鑄片

再雲南各銅廠砂丁皆係無業遊民且多川楚之人性
成獵悍若驟令失業必至聚而生事現在籌發工本本
省既勢將告匱卽

奏催各省應解之項亦苦於緩不濟急若不設法調劑
恐目前卽易啟事端臣等與藩司徐有壬反覆籌商非

多鑄錢文就錢支放不可除零星小廠及甯台大廠本
無鑪座又地不產鉛遠購費重均難議鑄錢外擬於省

局及東川府局添鑪加鑄以採出之銅鑄錢卽以鑄成
之錢發爲工本輒輶周轉庶藩庫發銀可減而廠丁亦
不至失所惟以錢代銀作爲工本該廠丁領辦油炭薪
米已不如攜銀遠涉之便且現在滇省市易錢價每兩
幾及二千文若照例價發給廠丁該窮丁等累益加累
必不相安自應卽照市價動放俾免藉口而所有銅息
鑄息均無從核扣但此係權時通變萬不得已之計由
臣等自行通融酌辦請免咨部報銷將來賊氛埽蕩各
省協濟銅本源源而來自可將新添鑪座減歇一切仍
照舊章辦理理合附片奏

聞伏乞

聖鑒訓示至現在辛亥壬子兩年起運在途京銅共有五起或尙在川江或甫入楚境因下游道梗不敢前進均在宜昌以上停候計銅約五百餘萬斤又由廠發運陸續可抵瀘店之銅約有四百餘萬斤合計不下千萬斤即日江路疏通分起開幫尙可不至有誤京運合併陳明謹

奏咸豐三年二月十六日奏奉

硃批戶部一併議奏欽此

審擬濱甸滋事匪徒摺

奏爲拏獲永昌邊外糾眾滋事匪徒審明分別定擬將情重各犯遵照

奏定章程恭請

王命卽行正法恭摺

奏祈

聖鑒事竊照永昌府屬瀕甸土司景慶久人本平庸又不善綏輯族眾道光三十年間其族人景八等滋事焚搶經前任督撫臣調派兵練勦辦將景星景八擒獲正法奏結其在逃之同黨景幅保等深入夷地內地兵役無從偵獲而景幅保等勢孤力窮數年來亦不敢復動

詎有鎮康土司屬下之土舍刀大刀六二人人本兇狡
饑有田產與灣甸土司景慶久挾有夙嫌遂招引景幅
保等代爲糾眾報復意圖奪占灣甸地方各人瓜分其
一切器械火藥糧食均刀大刀六爲之囊橐而令景幅
保出頭滋事糾約各處回漢夷匪約五百餘人於上年
春夏間闖入灣甸境內沿村焚劫殺戮夷民據永昌文
武得信稟報卽經臣吳文鎔與前任撫臣張亮基飛飭
該文武調集兵練將內地隘口嚴密防堵札飭該土司
景慶久自行集練攻勦乃景慶久庸懦無能平日又不
得夷眾之心以致屢爲匪徒所敗八月間匪徒奪踞該

土司耿戛土署景慶久逃入夷寨躲避稟請官兵救援
其時該匪等又分派羽黨擾及灣甸之猛嵩地方查猛
嵩西北距永昌府內地較遠而東南距順甯府屬內地
甚近該處夷民男婦均紛紛避入內地臣等接據稟報
卽札飭迤西道王發越馳赴順甯府駐劄督辦一面分
飭永昌順甯兩府兩協多派兵練直入土境兩面夾攻
並飭札調騰越廳土守備左大雄帶練前來協勦旋據
該道稟報永昌兵練由西北一路攻剋耿戛土署殺斃
匪徒一百餘名生擒八名餘匪併入猛嵩一處我練勇
裨亡五人帶傷數名順甯兵練由東南一路亦將其貼

近內地之營盤數座攻燬殺斃匪徒五十餘名我練勇
陣亡三名帶傷數名該匪等均蟻聚猛崗山上其山勢
有回寨極大四面均堅砌石牆該匪等復於山角山口
紮營環守猝難攻入刀大刀六又添糾游匪一百餘名
由山僻陸續送赴猛崗匪寨並隨時接濟火藥鉛彈該
匪等故得負嵎抗拒臣等以此等蜂薑小醜我兵練不
下千餘何至不能埽穴擒渠節據該道府等稟報情形
均嚴加督催去後經永昌府彭崧毓署順甯府劉廷諤
會同署永昌協福兆署順雲協巴揚阿於本年正月初
九初十一等日親駐對山督率兵練晝夜環攻先將

其寨外營盤全行攻燬乘夜用火焚燒其寨我兵練一
鼓擁入殺斃匪徒並被焚壓死者約有二三百名不計
確數生擒十三名搜獲器械二百餘件米一百餘石餘
匪乘黑夜由山溝小河鳧水潛逃該府協卽派弁兵練
勇跟蹤緊追在途殺斃匪徒三十餘名生擒六名追至
二百里外已盡灣甸邊界山徑叢雜賊已不見蹤影而
首惡之刀大刀六景幅保等迄未就獲該處煙瘴業將
盛起兵練不能不撤回內地卽經署保山縣知縣周錫
桐親赴灣甸鎮康兩土司交界地方駐劄密派永昌協
外委顧于典張樸酌帶兵丁數十名直入鎮康土境一

面札飭鎮康土司刀閻晟圖令其會同搜捕匪黨旋據該外委顧于典張樸會同該土司刀閻晟圖將刀大刀六二犯擒獲並割獲首級二十二顆耳記七十一副一併解交保山縣周錫桐押解回城其景幅保一犯據刀大等供自猛樹逃後並未來至伊家邊外野夷地方遼闊逃往何處實不知道等語據該道府先後馳稟前來並稟稱灣甸地方現在一律靜謐各處兵練均已撤回分別歸伍散遣等情卽經臣等批司移道親提現犯確切研訊錄供按擬詳辦茲據迤西道王發越覆審明確開具供摺移由藩司徐有壬署臬司史致蕃核轉到臣

等臣等詳加查核緣刀大刀六係鎮康土司所屬土舍田產富足與灣甸土司景慶久素有嫌隙因知景幅保係景慶久族姪道光三十年曾隨同前已正法之景星景八與景慶久爭奪土地未成被拏逃在夷地咸豐二年春間刀大刀六將景幅保招至家中從恩向景慶久報讎並稱殺卻景慶久可以占據灣甸全境各人瓜分田地享用景幅保以力單勢孤爲詞刀大刀六許代爲糾人接濟口糧火藥倘景慶久稟請官兵前來卽同心抗拒土境煙瘴甚大官兵不能久駐不怕不能成功景幅保允從卽分頭糾得回匪馬有明等一百餘人漢匪

熊呈崗等七十餘人夷匪曾八十六等二百餘人隨後
又逼脅在夷地傭工之漢民楊春法等三十餘人入夥
令景幅保率帶各匪前往刀大刀六在家製備口糧火
藥鉛子等物陸續接濟三月間景幅保卽率眾突入灣
甸境內沿村焚搶殺戮夷民直抵該土司所居之耿戛
地方該土司景慶久集練抵禦爲該匪拒斃練勇多人
景慶久勢不能支逃入民寨稟求永昌府發兵救援景
幅保等已分踞耿戛猛崗地方派人四出擄掠婦女劫
奪糧食經臣等札飭巡西道前赴順甯督辦經永昌順
甯兩府協分路夾攻奪復耿戛地方殺斃匪徒一百餘

名生擒八名而景幅保等屯聚猛崗大寨又得刀大刀六代爲糾人添助接濟火藥等物負嵎抗拒於本年正月經該府協督飭兵練四面環攻破燬賊巢先後斬馘及焚壓致斃者約二三百名生擒十三名餘匪乘夜鳴水翻山而逃又經兵練追殺數十名生擒六犯復經署保山縣遣派弁兵深入鎮康土司境內會同該土司將首犯刀大刀六擒獲並割獲首級耳記九十餘顆副地方均已肅清由該永昌府訊取現犯供詞解經迤西道覆審按擬移司由藩臬司覆核詳請具

奏前來查律載凡謀叛但共謀者不分首從皆斬又例

載土蠻讎殺劫擄所犯係死罪將本犯正法家口遷徙
各等語此案刀大刀六身充土舍輒敢貪圖土地懲惡
逸匪景幅保等報復滋事代爲糾人接濟火藥等物拒
敵官兵傷斃復民練勇多命馬有明等聽從焚劫抗官
殺練均屬情同叛逆自應比例問擬刀大刀六馬有明
馬老五熊呈鵠姚四虎明玉海馬錦雲馬阿黑楊挺安
萬年丁三魯八十六楊老大施小科楊觀保方綱明周
老十盧善保字長春傅常法羅正保陳小五李恒芳楊
洪深二十五犯應均請照謀叛但共謀者不分首從皆
斬律擬斬立決從重加擬梟示遵照

奏定章程恭請

王命先行正法傳首犯事地方懸竿示眾案係比照辦理家屬應免緣坐財產亦免入官刀大刀六家口仍查明照例遷徙楊春法趙連甲楊開法劉老四被脅服役雖未隨同拒敵究屬濟惡楊春法趙連甲楊開法劉老四均請於謀叛斬罪上量減一等擬發黑龍江充當苦差照例刺字其被格斃及焚壓致斃者人數眾多無從認取姓名應毋庸議逸犯景幅保等仍隨時嚴緝務獲究辦至該土司景慶久一經匪徒滋事卽退縮畏避並不能集練勦辦實緣賦性昏庸兼復苛刻以故夷眾均

不用命若僅予革職留之地方仍恐復肇釁端應請與
家口一併遷徙以靖邊閏所有灣甸土司另選承襲起
獲匪械分別銷毀變解逃亡民人妥爲招撫傷斃練勇
照例恤賞此次支發兵練鹽糧爲數稍多均係由永昌
府並保山順甯兩縣捐辦併免造冊報銷除備錄供招
答部外臣等謹恭摺奏

聞並另繕現犯姓名情罪清單敬呈

御覽伏乞

皇上聖鑒

敕部核覆施行謹

奏咸豐三年三月二十日奏奉

硃批刑部議奏單併發欽此

吳文節公遺集卷三十六目錄

奏議

勦捕東川府回匪由

急切未能交卸督篆摺

勦辦回匪情形片

勦辦回匪情形摺

回匪報誠片

勦辦回匪情形片

南掌國貢使酌量變通摺

吳文節公遺集卷三十六

男養原謹編

奏議

勦捕東川府回匪由

奏爲東川府屬回匪藉詞報復焚搶戕官現在調兵勦捕及臣吳文鎔出省督辦緣由恭摺具奏仰祈

聖鑒事竊照滇省漢回匪徒積有宿讎互相報復不必所報係所讎之人而無端竊發輒肆焚劫道光年間屢次用兵懲創其兇悍之習總不能除據巡東道東川府先後馳稟三月二十日夜有東川府屬距城二百餘里

之湯丹厥回匪馬二花等聚眾多人聲稱欲報道光二十七年漢民焚搶回民之讎將該處街市民居放火焚燒殺斃多命該地方文武得信後前往彈壓查拏該匪等卽竄至東川府與尋甸州交界之烏竈寨地方屯聚烏竈係一大寨包有村落十數處四面皆山其中回戶極多該署東川營參將明恒旋又帶兵百餘名馳赴彼處正在搜捕詎該匪等糾聚愈衆并逼脅同教徒黨干餘人將該叅將拒傷跌崖殞命復拒斃官兵多名等情臣等當卽飛調省標及附近東川之昭通鎮曲尋協及尋甸武定兩營官兵前往會剿嗣又據東川府稟報距

城數十里之三官廟貓貓圈等處有該匪等同教士三百人或七八百人間風乘勢各處焚搶

臣

等因東川

存城兵力太單前調各處之兵又須勦辦烏竚回匪不

能分撥卽趕緊札調距東川最近之貴州威甯鎮兵令

該署鎮常存統帶馳赴東川勦辦

臣

等仍一面繕發告

示多張曉諭回漢良民不得因此驚疑務安本業毋被

煽誘勾結

臣

吳文鎔因各路官兵無人統領恐致遷延

觀望亦卽出省赴尋甸州督同巡東道潘楷曲靖府知

府鄧爾恒就近籌畫辦理現在烏竚寨屯聚賊匪倚恃

山險負嵎抗拒應俟各路官兵及招募土練齊集後卽

行四面進剿以期一鼓殲除其三官廟貓貓圈等處匪徒亦經署昭通鎮愛興阿督同護參將楊定國屢有擒斬一俟威寧鎮兵到齊即可剿除不至蔓延至毘連各廳州縣漢回民人均飭令該文武等就臣等告示大意

責成里甲掌教約束開導結好釋嫌互相保衛出結呈官均各安靜無事所有東川府屬回匪滋事狀官現辦情形及臣吳文鎔出省督辦緣由理合繕摺由驛具

奏伏乞

皇上聖鑒訓示再尋甸州距省僅有四站所有臣吳文鎔衙門公事仍按日包封遞送核辦合併陳明謹

奏咸豐三十年五月初八日奉

硃批另有旨欽此

急切未能交卸督篆摺

奏爲微臣急切未能交卸督篆緣由謹繕摺馳

奏仰祈

聖鑒事竊臣於五月二十二日亥刻在尋甸州行營接准兵部五百里遞到軍機處封咨內開咸豐三年五月初八日內閣奉

上諭閩浙總督吳文鎔著卽馳驛前赴新任無庸俟羅繞典到任交卸其雲貴總督印務著吳振棫兼署欽此

自當卽日旋省交卸督篆遵

旨馳赴閩省新任惟查東川府湯丹廠回匪滋事戕官一案臣出省督辦前於五月初八日業經會同撫

臣吳

振械恭摺馳

奏在案現在正當勦捕弭緊之際大兵雲集

臣若遽行

旋省恐各路帶兵將弁心生懈弛勦辦必至費手而撫

臣

吳振械一人兼理兩篆省垣重地又未便輕率出省

臣

再四思維不敢稍涉拘泥應卽暫緩回省俟勦捕回

匪事可就緒

臣卽星夜旋省交卸督篆遵

旨馳赴閩省新任至現在勦辦情形

臣謹另片奏

聞所有臣未能迅卽交卸督篆緣由謹恭摺馳
奏伏乞

皇上聖鑒訓示謹

奏咸豐三年六月初一日奏奉

硃批是知道了欽此

勦辦回匪情形片

再回匪馬二花等前由東川府湯丹廠遁入東川尋甸
交界之烏竜寨地方負嵎抗拒經臣督飭各路兵練於
五月十二日攻燬烏竜賊巢斃賊數百人該匪首馬二
花挾其死黨及逼脅同教約三四千人乘夜翻山逃竄

當經臣飛飭各帶兵官拔營跟追惟該處跬步皆山路
運叢雜現在已將該匪等追至尋甸州屬之柯肚街地
方該處山深籌密匪等仍復恃險拒守我兵現在逼近
賊巢紮營以便進剿於二十五日獲有勝仗擒斬數十
人緣正值大雨時行之際每因雨阻槍礮難施不能得
手臣不勝焦灼之至至其被脅之人亦非盡甘心從戎
迫於不得已者居多是以臣一面督飭各營官兵但遇
天晴卽進仗痛勦務將首要各犯擒馘靡遺一面委貞
設法招撫被脅之人藉以散其羽黨一俟剿撫就緒地
方肅清卽宮飛飭奏慰

宸廬所有現在辦理大概情形謹會同撫

臣吳振林

片具

奏伏乞

聖鑒訓示謹

奏咸豐三年六月初一日奏奉

硃批另有旨欽此

勦辦回匪情形摺

奏爲恭報勦辦尋屬回匪獲勝情形及現在合力追勦
首匪緣由恭摺具

奏仰祈

聖鑒事竊照滇省東川回匪滋事臣吳文鎔出省馳赴尋甸州督辦及急切未能交卸督篆各緣由業經臣等於五月初八六月初一等日先後由驛具

奏在案查該匪逃至尋屬之柯肚地方屯聚尙餘柯肚回民未被脅從旋於本月初三日勾結尋甸州西之那里八甲各村寨回民竄入其中聯爲一氣恃强抗拒我兵亦卽踵至攻勦該處山深箐密尤爲險阻且連日陰雨槍礮難施僅於初五初六十一等日報獲小勝殺賊數十人及百餘人不等我弁兵亦間有傷亡正在環攻之際接據哨探首匪馬二花又於十五日夜掣帶千餘

人由山僻小徑竄至尋城廻北之魯冲回寨又肆煽惑而八甲匪徒仍復負嵎據拒

臣

當與現調來營之署臬

司崔光笏及該道府等熟商一面分兵跟蹤追剿一面

仍飭署昭通鎮總兵愛興阿速將八甲賊匪撲滅免致

蔓延適東川回民就撫飭據署貴州威甯鎮總兵常存

亦帶兵前來該鎮等逼近賊巢分繁營盤兩路夾攻據

報二十一日天色晴霽會同進剿八甲該匪亦分出迎

敵我軍槍礮齊施斃賊無數轉戰直入賊巢斬馘數百

人村寨均被礮火延燒其該處爲首之馬鵬程等亦經

擒獲訛明正法所有八甲地方現已肅清

臣

等當經出

示招撫零星逃竄之難回各復本業一面飛調兩路官
兵乘勝齊赴魯冲圍攻首匪馬二花等務期殲除淨盡
不留餘孽另行馳報外理合將勦辦八甲回匪獲勝及
現在合力追勦首匪緣由合詞恭摺馳

奏伏乞

皇上聖鑒訓示謹

奏咸豐三年六月二十四日奏奉

硃批

回匪報誠片

再東川府距城數十里之三官廟貓貓圈等處另股回

匪焚掠各處漢村前經臣等檄調署貴州威寧鎮等兵常存帶兵赴東會同該府相機勦撫附片具

奏在案茲據該鎮府稟稱已於六月初一日至初八日據該回民陸續赴官投稱爲首滋事各犯業經官兵臨陣殲斃及拏獲正法伊等均係被脅良民情願呈繳器械具結永不滋事等情當經該鎮府傳集回民公正掌教與漢民衿耆互立合同共敦和好分別安插復業現在地方一律安謐所有該鎮常存管帶之兵已飭令來尋會勦馬二花等股匪臣等謹合詞附片

奏慰

宸廬伏乞

聖鑒謹

奏咸豐三年六月二十四日奏奉

硃批

勦辦回匪情形片

再回匪馬二花於前月二十七日由尋甸州所屬之魯
申村挾其羽黨乘夜竄逸經臣將督勦不力之總兵官

勦叅及臣自請

勅部嚴議於六月二十九日具摺馳奏在案查該匪等
自魯申逃出由密箐深巖潛行向北逃至尋甸東川交

界之花香等地方據刦漢村佔踞屯住大兵跟蹤追及六月三十日經署威甯鎮常存護昭通鎮王國才督兵進剿該匪等復敢分股抗拒我兵槍礮齊施斃賊數十名賊衆潰敗退入山後我兵卽翻過山梁追剿賊且拒且奔我兵又翻過一重山梁痛加剿殺先後斃賊二百數十名奪獲器械數十件賊衆遁入巢穴外隔箐溝一道我兵因天晚未便窮追收隊回營詎賊又乘夜潛竄已入東川府境我兵卽拔營跟追該匪等鼠伏猱升蹤跡靡定我兵於七月初六日酉刻追及賊尾擊斃三十餘名初七日申刻追至距東川府城二百餘里之待補

村地方兩面大山壁立中通小路一條賊匪負嵎屯踞
我兵是日正在山口紮營賊匪膽敢前來撲劫我兵奮
勇攻殺割獲首級四顆耳記四副賊始敗退初八日因
雨未經進仗初九日賊又從山僻潛行向東川府一路
遁去大兵亦卽拔營跟蹤追勦現在該匪黨强悍之徒
不過四五百人連老弱婦人約共千餘人如果別無裹
脅其勢已易撲滅至該匪等在尋甸逼脅各村回民同
逃至花香箐地方現在由中途脫身逃歸求撫者男婦
不下二千人臣已分遣委員趕緊查明安撫復業並出
示曉諭漢民不得更生猜疑轉令反側不安致生枝節

所有連日期辦回匪大概情形謹會同撫臣吳振棫等片奏

聞伏乞

聖鑒再此案前後情節臣等已縷晰告知新任督臣羅繞典悉心商辦合併陳明謹

奏咸豐三年七月十五日奏奉

硃批知道了欽此

南掌國貢使酌量變通摺

奏爲南掌國貢使入京恐豫省驛路難行擬請變通辦理恭摺密奏仰祈

聖鑒事竊照南掌國長召整搭提腊官滿遣使入貢抵關日期臣等於本年六月二十四日繕摺馳奏在案查

厯届南掌貢使及所進象隻係分兩起行走應由貴州湖南湖北河南經過計正副貢使所帶頭目通事後生跟役加以護送文武各員及擡運貢物各件所需車馬人夫爲數不少館舍飲食供頓甚繁現聞賊匪竄擾豫境去來飄忽難以預料地方官或辦防堵或辦兵差搶攘之中勢必不能兼顧若竟照常令其貿然前往卽使無意外之虞而或因道路不通不能前進不特羈留久住之處一切支應維艱且使該使臣等留滯中塗經旬

累月亦非我

皇上體恤遠人之意

臣等再四商酌與其拘泥舊章而

未能妥善不若宣示

德意而量爲變通可否仰懇

皇上特頒諭旨曉以現在用兵之故

恩免該使臣等遠涉赴京卽由滇省優與犒賞妥爲護送先行回國其貢物及象隻俟道路肅清由滇派員齎送至向來到京後應行

頒賞該國長及正副使臣等銀物仍由該管衙門照辦齊全先行發交滇省再由臣等派員齎送出關轉交該

國長祇領分頒如此權宜辦理則旣遂其輸誠之願又
加以曲體之恩於

國體旣無所傷在該國長亦必倍深感激而河南一帶
用兵疲困之地藉免供應之煩又不至顧此失彼照料
周致生歎望現計該使臣等不日可抵滇省如蒙
俯允卽求出自

宸衷迅速頒發

諭旨以便祇遵辦理臣等謹合詞具摺密奏伏乞

皇上聖鑒訓示施行謹

奏咸豐三年七月十五日奏奉

硃批另有旨欽此